

皇清文穎續編

皇清文頴續編卷首二十一

高宗純皇帝聖製詩

七言古詩

演易臺謁周文王祠

洄蕩之間曰美里演易聖人昔拘此天高地下皆易  
理象辭闡發權輿是天王聖明罪當誅千載而下真  
知己巍巍之臺近尺咫夙凜師承惟四字叶無憂其  
常憂暫耳王季爲父武爲子牧誓諒非心所喜叩馬

村在河之浹夷齊首肯吾斯語

叶

奇樹歌

有序

百泉冬奇樹然不過曲拳軫軻貌古形詭而未  
始離夫木也惟此樹其根盤錯多穴望如淮石  
亦有石子礫塊蒼皮間其上則扶疎老榦依然  
嘉樹深秋葉落不知其名問之云阜茨百泉奇  
樹無復奇乎此者矣既命筆爲傳其神復成是  
歌題於上而識之

久竹青寧古或聞異哉此樹非木羣木乎石乎難疏  
分我忽逢之清衛瀆下臨流水上千雲盤根錯節如  
髡屯兩株直聳擎輪困華清一樹其子孫小試成仙  
左騎軍興來命筆傳其神

登嵩山華蓋峯歌

嵩高峻極周雅談居中鎮東西朔南宇宙以來鮮比  
參時巡秩祀駐絳繆殷禮歲事神人欣一登絕頂衆  
妙探宿嗜丹藥求仙岳無事登封埋玉函侍臣告我

初寒添太空黯黠凝雲嵐我笑謂之正所耽不宜返

轡山靈慙神區輿壤貴靜恬千乘萬騎紛奚堪策馬

滅從遵路巉異哉所見真不凡二十四峰左右咸中

爲華蓋尊且嚴俯視羅列如孫男不須僂指其名拈

少室三十六峰尖向者背者都包含以河爲帶潁爲

襟叶爲唐爲宮復爲谿隆崇案衍靈以竅萃律截辭

嵯峩嵌丹黃紫翠青碧藍聲兮卉歛氣兮醅博大富

有莫不兼幻以雲容技畢覃英英靄靄滃雲墨變遠

爲近夷爲險叶 黃山雲海歌德潛如遇墻且矜無鹽  
泰山昔亦陟巖巖引興未似今茲酣携來雙鶴其羽  
旣放去聊任王喬驂卓午躡景歸驂驛紛迎老幼團  
層巘警蹕不飭任就瞻尊親亦可民情覘呼萬歲者  
奚啻三

古銅章歌

鳥遺神跡皇頡循書傳六體篆最真岫嶮石鼓傳鴻  
文依稀星斗懸高靈求其近是當於秦漢承其法徵

據陳撥蠟鑄金鑄泐勻封邑爵號犁然分詎惟鑿古  
怡心神藉考數千年革因誰搜與衍金龍珍藏弄已  
久典內人屏擋惟謹錯置紛重排次命翰苑臣乃得  
列眉指掌紋斗檢壇紐各媵鱗翠光褐色古且新龜  
文斜列櫛龍鱗鼎彝之側席上賓靜爲瑞星動喬雲  
十八學士登瀛洲歌題李公麟所畫

府開天策敦儒林章縫魚雅欣盍簪優游永日夫何  
事未必徒耽經史資歌吟當時學士數十八世間爭

羨登瀛洲而入琳闕試問閻家右相傳神筆是中誰  
果真仙骨我聞潛龍勿用子之綱通易豈必惟京房  
雍容羣彥倘陳及庶其禍弭閱于墻春秋要欲責賢  
備我偶爲歌申其義伯時摹古構長圖有合閻乎姑  
且置

麥未萌

昨過畿南未見麥苗被隴以爲秋潦未盡涸而  
播種者稀切切不能去諸懷進總督方觀承而



問之始知去秋乘潤種麥者較諸往歲乃倍徒  
至冬例驅馬牛踐食之當春萌芽益壯其尚未  
青葱者則以今歲遇閏尚非發生時也問之耕  
氓亦然既慰於懷兼成是什

記我戊辰經畿南秋牟被隴迎人綠今來曾未見葱  
芋豫恐餅餌或不足進彼大吏共疇咨謂因遇閏春  
令遲正月柳稊今未稊何獨麥萌虞後時一言中窅  
吾解頤詢之老農同一辭聞言欣然笑相慰先事過

憂母乃遠我久課農意盡知於今仍有未知處

### 老黃河

導河積石至龍門華陰底柱逮孟津播爲九河入于  
海神禹舊跡堪指論後世因循漸南徙誰能障使歸  
其原又聞刷黃利深導義取其合毋取分一河猶時  
虞淤壅析而爲九流難奔居今志古不盡同卓哉史  
遷垂名言

### 平原行

驅車度平原因作平原行平原公子喜賓客一時豪  
士列坐盈美人笑躡者請頭太不情造門自謝客復  
至至今難論僞與誠所幸毛遂一脫穎頃刻辨論從  
約成當時齊楚魏公子皆云好士畧可評脫秦得濟  
於狗盜亂楚不斷於朱英如姬竊符奪晉鄙危計密  
定亥與嬴客不過如此主亦奚足稱嗚呼戰國尚譎  
詐其真賢者惟應隱迹衡門耕

遊金山寺用蘇軾韻兼效其體

平生不戒遊覽興，西浮於洛東觀海。輕舟風利過維揚，此間初識有江在中流。嵒巖如補陀，八功德水澄無波。精藍信宿可留憩，層樓阿閣何須多。青雀黃龍盡收楫，笳吹笙歌送西日。帆檣遠近掛紅燈，照入江天星。點赤髯翁醉醒風雅儷，竒句孤吟深夜黑。信耶非耶漫強明，律中要使神鬼驚。六百年來人莫識，我偶拈賡答風物濫觴遠憶巴岷山。土鼓雲門拳石頭，清賞憑高興未已。烹茶更試中冷水。

自金山放船至焦山用蘇軾韻

東坡材富大厦耽錢塘通守遵江南豪詞強韻寄磊  
落醉酌江月對影三我乘陽氣行時令吳趨越若巡  
農蠶黔黎愛戴任瞻就何德致此翻懷慚金山泊舟  
憩信宿頭陔巖畔窺澄潭放舟焦山符勝賞長歌快  
誦心先酣興來走筆步其韻何殊喚起髯翁談底須  
樓觀壯浮玉但愛松竹籠虛龕江山本色乃在此靜  
寄飽厭山泉甘從來遠遊志士志豈辭多取貪夫貪

餘杭此去讀奇作綴辭拙速吾猶堪江風五兩送征  
棹青雲迴望封禪巷

汲惠泉烹竹鑪歌

惠山沈泉天下聞陸羽品後伯仲分中冷江眼固應  
讓其餘有冽誰能羣高僧竹鑪增韻事隱使裴公慙  
後塵莊嚴金碧禮月相三間茗室清而文梅花天然  
間紅白濛濛沐雨含奇芬平方木几一無有恰見竹  
鑪妥帖陳篋編密緻擬周篚體製古朴規虞敦

叶玉

乳寒凜早汲，縷明松乾烈。旋傳薪武火，已過文火繼。  
蠚眼初泛魚，眼紛盧仝七椀。漫習習趙州三甌，休云  
云政和入貢，勞致遠衛公。置遞嫌逞權，叶巡蹕偶然  
作清供。聽松庵圖真蹟，存名流傳詠。四百載墨華，硃  
彩猶鮮。新山僧藏弄奉世寶，視比衣鉢猶堪珍。視比  
衣鉢猶堪珍，後進君子先野人。

寒山千尺雪

支硎一帶連寒山，山下出泉爲寒泉。淙淙幽幽赴溪

壑跳珠濺玉多來源土人區分稱各別豈能一一徵  
名詮蘭椒策馬尋幽勝山水與我果有緣就中宦光  
好事者引泉千尺注之淵泉飛千尺雪千尺小篆三  
字銘雲巒各山子孫真不絕

用吳梅村詩意

安在捨宅資福

田槃陀坐對清萬慮得未曾有詩亦然雪香在梅色

在水其聲乃在虛無間

鄧尉香雪海歌并命沈德潛和韻

鄧尉之名久詔吾鄧尉之奇今見初一四天下總在



海都梁嶮山夫豈誣天風卉歛波濤泛春日淡冶漣  
漪舒目謀耳食已絕勝更惟鼻觀難爲模傑池韶秀  
復蓊芻泌漭案衍還縈紆坐令甲煎嫌艷膩遠慮蒸  
嶺非坦途山僧抱月眠初醒却踦道左紛相趨爾所  
羨者我厭久我所慕者爾厭餘乃知兩全信難得何  
妨一晌供清娛北眺虎阜南太湖南船北馬用各殊  
此間無可無不可滿坑滿谷酬所需林逋畢竟寒儉  
相但詠香暗及影疎德潛黃山詫雲海咄咄香雪詎

可孤東皇亦解助韻事春寒勒待今臨吳春寒勒待  
今臨吳平山何有見金夫

吳山大觀歌

我遊名山亦已多吳山大觀今作歌興安大嶺及長  
白嵩泰臺麓田盤窩諸山未兼江海勝此間曠覽俱  
遮羅南北高峯走龍脉蜿蜒入郡成嵯峨琳宮梵宇  
許居下不許墻宇盤尖螺平列坎石鎮火患風從其  
俗無煩訶第一峯頭縱遐矚壯哉所見真無加

叶左

江右湖互環抱海氣蕩芻舍義娥維水有四三已具  
故富魚族蛟鼉鼉天吳陽侯時出沒列缺豐隆相盪  
摩吳顛越躡闕興廢宋遷元伐紛諠訛只贖吳山青  
不磨吳山大觀今作歌

錢塘觀潮歌

向聞錢塘潮最奇江樓憑几今觀之更聞秋壯春弗  
壯弗壯已匪夷所思兩山夾江龕與楮暨東長流逼  
東瀉海潮應月向西來恰與江波風牛馬江波畢竟

讓海波迴瀾退舍如求和洪潮拗怒猶未已却數百  
里時無何於今信識海無敵苞乾括坤浴淵魄何處  
無潮此處雄雄在奔騰旋盪激蕘茁三葉及落三皆  
最勝日期無淹我來正值上巳節晴明遙見尖山尖  
須臾黯黶雲容作似是豐隆助海若天水遙連色暗  
昏倏見空際橫綠索旁人道是潮應來一彈指頃堆  
銀堆疾於風檣白於雪寒勝水山響勝雷砰砉礮礮  
礮磅礮統統噶噶吼噦噦流離頓挫無不兼迴幹旁

噴極滂沛地維天軸震撼掀天吳陽侯挾飛廉蛟龍  
鼓勢魚鱗遶長鯨昂首噓其髯榜人弄潮偏得意金  
支翠旗簫鼓沸忽出忽入安其危但過潮頭寂無事  
因悟萬理在人爲持志不定顛患隨遲疑避禍反遭  
禍幾不見笑於舟師

和蘇軾遊西湖三首韻

久聞西湖清且幽省方幸值無事秋桃紅柳綠紛匝  
岸芷浪蒲風環繞洲黃頭發歌盪蘭楫春水船如天

上浮湖山美景詎宜戀聊爲民情三日留君不見晏  
子陳夏諺補不足助不給吾王不遊何以休

惜哉子瞻幽思幽祿仕恰值熙寧秋錢塘通守豈行  
志偶然寄興遊汀洲蒿目新法救不得無已與世爲

沉浮柏堂竹閣每題句亦知此邦不久留君不見往

來八州牧或嶺南或冀北去年會記吟浮休

丙寅秋  
巡幸五

臺經曲陽山坡石上勒蘇軾

浮休二大字曾作詩紀之

揭覽那盡巖高幽一時得意足千秋生香繞樹雪迷

路芳蘋貼水春滿洲風光如此不領畧溪山毋乃嗤  
粗浮東坡佳作恰對面吟情更令一晌留君不見馮  
唐對漢帝豈無頗豈無牧坡也至今恐棄休

飛來峯歌

武林山高九十丈迴巒複壑含萬象舊時靈隱今雲

林

靈隱寺康熙年  
間賜今名

月地雲居虛且朗天龍八部共諮

議宜有竒嵐作屏障

叶

調御丈夫破顏笑何須爾力

勞鞅掌惟西天竺靈鷲峯彈指飛來大方廣飛來闔

浮人不識碧眼胡僧識非証叶恒河沙數無量佛仍  
坐峯頭白毫放但看相好及手印一一不異梵銅像  
歷劫萬億不飛去鎮以佛力信無爽我來徒訝未前  
逢玉削雲縷相偃仰怪石斜墜挂天紳異木倒生謝  
土壤猿吟鶴唳演摩訶不雜人間絲竹響竒境至此  
無更竒大士如如不動想

觀採茶作歌

火前嫩火後老惟有騎火品最好西湖龍井舊擅名



適來試一觀其道村男接踵下層椒傾筐雀舌還鷹  
爪地爐文火續續添乾釜柔風旋旋炒慢炒細焙有  
次第辛苦工夫殊不少王肅酪奴惜不知陸羽茶經  
太精討我雖貢茗未求佳防微猶恐開竒巧防微猶  
恐開竒巧採茶竭覽民艱曉

題李公麟做韋偃牧放圖

將軍弟子韋與韓往往畫馬遺人間一疋價值千金  
驥攻駒富牧何曾傳伯時奉勅摹粉本神蹟重似見

韋偃幹惟畫肉杜老嗤獨於偃也無貶損薄言駟者  
錦繡張飲秣適性力乃強筋埋肉脹固無數此中不  
少騷駟藏但養其駿棄其駑駑多駿鮮非良圖兼容  
并包擇賢用既有伯樂駿豈無

觀打魚

洪湖之水納百川仰流鱗集多鱧鯉水鄉民計欲一  
悉打魚早見來漁船烟波浩渺舴艋集施罟潑潑羣  
魚急適口但取庖厨充跳身寧惜波濤失揚子銀鱗

節尚早徐州禿尾未覺好鮮腥況匪素所嗜水族傷  
生殊不少岸傍揭覽命罷之首夏正育鯤鮪時

桃源耕耨者

桃源耕耨者存古風千畝合作衆力攻彼此借助相通  
融不勞長官頻課農鳴鑼呼召羣來從閭閻親睦和  
氣濃渡河經川舟可通閱隄策騎欣初逢兩浙三吳  
迴憶中山容水態春翹紅不無寄興吟題重未若茲  
者愜子衷不知有漢敦厯崇泉明記豈徒鑿空寰宇

如是信大公垂裳南面正已恭但思只欲難強同力  
田任恤俗化隆爲爾更切祈年豐

麥秀

江南見麥秀已遲春之杪青齊見麥秀正及初夏早  
冀北風候夙所知麥秀孟夏婪尾時更聞閩粵當此  
際早充餅餌供農炊自南自北皆吾民乘時因地力  
作勤歉多豐少良苦辛歉爲憂愁豐爲欣欣不藉人  
慰愁亦無人分控轡見此舍舍者不令蹂躪馳車馬

老翁鞦韆道旁踞停鞭一問資生計翁言昨歲被偏  
災幸望麥收無麥稅

過泰山作歌

土父澤母山之根成形類聚精義存文王後天列八  
卦艮兌交錯西南坤西南衆山祖脉惟崑崙其在艮  
維山本體是爲長白齊蒼旻轉折踰海伏而起岱宗  
雄長其實尾閭拳石崇中原五嶽五鎮各覽二

東嶽  
泰山

中嶽嵩山北鎮醫  
巫閭南鎮會稽

崑崙長白姑遙陔以予所登興安

大嶺巴龍桑蘇台廣博崇隆列之嶽鎮有過之而無  
不逮吁何其名曾不得與嶽鎮廁豈非古來版圖以  
外未得通文字儒生各拘所見高位置山旣若此餘  
胡獨不然蒼頡作字天雨粟鬼夜哭其理信有豈是  
荒唐傳

讀通鑑綱目

三五以前蹟杳茫三五以後滋益詳編年事例自涑  
水正紀褒貶推紫陽列眉指掌示法戒四千餘年治

亂彰武帳幾餘一緡閱豈因巡狩懈就將但經觸目  
心輒警不爲博覽供詞章

雙忠祠

有序

乾隆十五年駐藏都統傅清左都御史拉布敦  
誅叛臣朱爾墨特那木札爾其黨羅藏札什率  
兵助逆二臣死焉贈以伯爵優卹而歸其喪於  
京師親臨奠醊建專祠祀之命曰雙忠並紀以

詩

衛藏西南夷極邊入我王化百餘年始猶羈縻後執  
費置兵爲守防呼韓蒙古習俗尚黃教得失視此爲  
轉旋其何小醜背厚澤夜郎自大輕王臣託詞承平  
勞物力示之大信休兵屯戍兇虐下遂無忌更與外  
賊爲牽援血人於牙攫財賄中梗驛路軍書傳惟時  
奉命監彼土曰傳清暨拉布敦目覩逆勢日猖獗炎  
炎不息將燎原戰守不可兵力弱官軍萬里阻蜀門  
國事爲重餘度外二人同心利斷金叶知無一生有



九死但期濟事酬深恩朱爾墨特那木札汝來示汝  
大義存天無二日爾二日爾忘爾父叨藩翰兇渠稔  
禍力已張去聲藐視二人何有焉籠中之鳥砧上魚西

藏指日據有全挺身來見忽疑慮潛呼羣醜施戈鋌  
傅卿直前扼其臂逆王命者誅無延拉卿拔刀剗其  
脰罪在魁首無牽連羅藏札什其羽翼走險叫諷豕  
突然築犬吠堯各爲主蜂屯蟻聚來攘挺吁嘻二臣  
力不逮如歸視死雙軀捐小醜烏合旋就縛駢首就

戮長竿懸逆誅順撫妖氛靖衛藏萬衆如一言忠臣  
報主有如此智勇兼濟誠通天昔每椎心今吐氣如  
披雲霧瞻蒼旻不勞一旅翦渠寇豈止萬命免沉淪  
尸祝社祭衆夙志虔伸絕域千秋傳靈輿肅肅歸故  
里建祠臨奠恩頻宣錫爵賜封延後世志子哀悼旌  
勲賢雙忠之氣浩千古雙忠之力敵萬軍罵賊有似  
奮常山誘致大異斬樓蘭雙忠蹟畧傳斯篇他年以

待信史編

浩歌行

黃金何以藏巖山珠玉何以捐湖泉重華所寶不在  
此金珠自在山泉間不事採求貴異物曰藏曰捐豈  
不然晉武焚雉裘羊車駕末年貞元明詔却瑟瑟瓊  
林大盈乃計錙銖焉不恒其德飾觀聽其究鮮不笑  
柄千秋傳重華非藏亦非捐慎莫誤會陸賈篇

白鷗行

鷗之與隼如枳橘鶩鳥之中俊莫匹是皆其色雜蒼

黝如雪白者萬無一矯然致此白將軍悚立一朶梨  
花雲玉架金縵不放去爾行其義我行仁嚴若郅都  
飛李廣問鶻何來來海上蘭臺令史頌白雉詎奮奇  
功酬豢養鶻乎鶻乎秋其德而辛其色殊毛出衆非  
改常致用求真正相得

和聲署

有序

向來和聲署禮部主之遇正朝慶賀取市販鼓  
吹者流充其數音節舛錯不可問且粟錢虛糜

此不特白居易立部伎樂府所譏矣既審定律  
呂乃命易以內府承值極知梨園司籥韶將有  
人議其後者然今古異宜典樂胄子之教既失  
則責士大夫以吹笙鼓簧將有不能俾能其事  
者器使而効所長不猶愈於潦倒傭伎之介廁  
冠裳間乎因效樂天體爲是作且見意也

和聲署異神樂神樂太常司郊廟登歌奏笙籥音節  
畧誤其禮存未似唐制立部所選人命工改正旋合

度不以他用用饗神和聲署禮部司太和三大節萬  
國衣冠時署中餼廩有人支陛上填篋乏人吹乃取  
市販鼓吹兒以調宮徵充工師欲望獸舞鳳來儀誠  
哉有如居易樂府詩內庭承值雖優孟命習宮縣歸  
以正古人擊爾泗濱石今人棄爾華原磬和聲署今  
卽古文武之政在方策其人存則其政舉何能海上  
喚師襄夏擊鳴球列朝序君不見小學廢樂徒云借  
問和聲署安得衣冠倫懷哉簫韶九成不得聞

立仗馬

天閑之別以十二隨宜利用期悉備吉行五十師三十在尙其德匪尙力叶圉人秣飼謹調良賦豆輪漿皆有製不令過瘠及過肥在適其中具深意過瘠力弱將僨轅過肥力壯每脫轡馬之良者轉受勞兼以飲餐不遂志復有選色色貴白不妨駑駘亦可厠筋埋肉脹但取肥以備仗馬飾朝制芻秣恣饗辭鞭箠排立移時旋休息叶馬之駑者乃得逸豈遑計及中

書譬以彼易此誠不可此理伯樂難擬議

泥滑刺

泥滑刺馬不前十步九跌防危顛忽然於此憶乘船  
囊橐滿載蒲帆懸設如江上遇石尤泊岸守候空留  
連安得陸行者每值晴舟行者風順便又願四月天  
晴於育蠶家雨於蒔秧田天地之大人猶憾焉擲筆  
不復道停鞭且詠漸車篇

野花



野花不入嵇含狀有艷無名人詎曉露霏或比素蘭  
馨風娜還過寶相姣未逢說項空竒芳荒原蕪沒殊  
不少爾雅方言逮寓中寰海周禪誰則到叶匪直人  
也幸生文物邦幸生乃至凡花草

瑞樹歌

長白之山天所作隆崇案衍隣嶠嶺衆水之源會其  
極中產萬物兩儀神秀鍾於茲萬木傑池鬱爭長問  
年皆在循蜚疏乞時以上厥有瑞樹爲之伯如星拱

北羣所瞻仰，栖靈祇命圖。以來真神奇，畢歆河本鴨。  
綠支船不能進，易威呼溯流而上。乃至西埭墨勒溪，  
威呼又不能進，捨舟陸行。一由旬斯見，瑞樹臨厓。屢  
近樹無凡草，金光蔚敷，披聳身三丈五尺餘。叶七分  
去二其合圍上分十有二大枝，莖葉輪囷各異姿。其  
種有八，若列眉松、檜白楊、遮勒穆期、紫樺、白樺、密克  
特木及白榆。叶自頂至根合十餘丈，崢參差靈芝九  
本三秀，滋是皆紀實，非虛詞。乃信神壤天所秘，未許

塵世尋常窺大椿徒傳八千歲較此奚啻父視兒特  
一瑞樹頂足陵駕前古史所垂宜乎長白之山開我  
國家萬年有道無疆基

百一詩

智者百慮有一失愚者百慮有一得黑烏瞻瞻豈無  
白白鶴皚皚亦有黑高岸爲谷深谷爲陵滄海桑田  
轉盼相乘披沙揀金見彼星星善射由基及唐瀛百  
難一中惟人情

飛將軍行

隴西成紀世受射將軍猿臂藝獨精折關格獸不旋  
踵擊空鞬脫如蒼鷹百騎往馳射雕者匈奴忽陳陰  
山下軍士前前莫還走示聞翻令皆下馬亭尉不識  
故將軍小人常態安足論一朝北平得權勢脩怨斬  
尉殊傷仁更復坑降逮八百冥冥應受神鬼責不須  
王朔始知然只合終身二千石

雨後延緣長河旋蹕清禁觀農有喜斐然成章

香山夜雨達明發，駕言清蹕旋彤闕。文侯策騎會虞人，況有明綸肅朝謁。肩輿詰旦下山蹊，平原雨足致潭泥。彼人子也勞何爲，停輿命易我馬騎。我馬紫騮安且速，滑刺泥行儼平陸。辛苦應教懷僕夫，富貴何須傲黃屋。跋涉曾無十里遙，蘭舟艤待長春橋。順流揚帆豈不逸，我欲因之聊習勞。習勞未比農勞最，麥疇黍町延一帶。今歲雨晴幸時若，未至西成敢卽快。長河來往已多年，幾經欣戚緣農田。荷鋤者叟鱗腩

邊爾我同爲未息肩

望晴

往歲夏五每望雨今歲夏五乃望晴所望雖殊愁則一無非切切緣耕疇諺云麥收三月雨十年鮮遇喜有徵黍高稻下亦齊種青葱一律彌郊垆邇來滯霖忽時作驟看行潦滿谷阡芒種時過麥宜曬雨多結穗虞迴青如已登盤不能食更令饑者難爲清造物好生不如此豈其吾意有滿盈怕聽簷前浙瀝聲齋

居怵惕心磨寧劉褒北風如可借爲吾驅彼愁雲行

小大謠

小忙大閒日逐天小輸大受海納川小積大餘日成  
年小往大來愚避賢小失大得姑與旃小懲大戒福  
小人叶小黠大癡螳捕蟬小重大輕衡與權小損大  
益自上彌小憂大樂日惕乾

翠雲堂雙栝行

齊爲弟兮夷爲兄樹中之聖聖之清盤盤虬幹一庭

翠六月秋風滿座生  
故宮却見層椒上遺蹟  
金元空  
悵望爾時歌舞對春韶  
不誇雙栝誇花放離宮  
沿革  
率非舊叶  
闕歲佳陰蓋數畝難  
兄難弟標雙清  
同林  
雜植無其耦  
屈之久者信之長  
後老生意方堂堂不  
見隄柳及陌楊  
十年成蔭百年僵

難易引

大難小易地  
戴天始難成  
易坤終乾一難  
衆易君率  
臣外難內易  
型家人正難  
偏易守四邊  
主難賓易酒



醴筵白難黑易絲染然走難飛易鳥鼠山精難粗易  
徵心禪行難言易九仞泉守難創易鄭公言

鍾峯歌

在天有六星開德宣符贊鴻運在地有崑崙嶽然中  
峙四維鎮崑崙一支走華區壇曼案衍羣峰都五嶽  
五鎮列方隅扼吭拊背據其樞神禹行水跡雖遍天  
秘地鑰無繇見小試僅得及底柱至今疏導傳寓縣  
靈臯與壤應有待乃迴

堯顧怡八彩帶河襟巖闢仙莊卓然峯立東岡在東  
岡峯立初無名象形闡義錫嘉稱宇宙以來便有此  
惟

聖人通天地情造物妙在鑪錘間奉三要達神明權  
平施稱物無容意治崇金鑑千秋傳八柱何當一已  
足馬援標名笑銅沃春來簇簇自爲繡雪後晶晶幻  
成玉穹窿高矗飛雲流亭亭入望偏宜秋一輪水鏡  
正圓滿憑將掛著千山頭

入崖口

伊遜九轉來遙源

伊遜即蒙古語所謂九也

崖口為東奔流湍重

重鎖鑰羅岌岌壁立萬仞天風寒地利一夫可當關

太平時節誰泥丸清秋按轡凌層巒駕言大獮朝可

汗控茲騎士數逮千發蹤指使遵虞官約束匪嚴亦

匪寬要欲上下同和歡詎惟從禽事遊盤于時獵也

有道存

聖人家法敬繼旃

李公麟五馬圖歌

杜陵題畫馬不一要貴取義非修辭當時此技誰絕  
勝陳閔曹霸臻神奇幹雖畫肉不畫骨天閑萬驥皆  
能師後來繼者何寥寂三百年始得伯時橫圖迴立  
見五馬權竒沛艾天英之鳳頭驄來于闐國董璫錦  
膊翩相隨天駟最數好頭赤照夜白倣唐名爲其後  
一馬失題識昂藏殊相星瞳輝藝成放筆一馬殂

後曾紆  
題語

太僕惆悵何爭差我聞元祐多正士拔茅雲

見卷

路驂騮驪伯時軒冕有弗屑喜畫畫焉能累斯

出黃魯直

跋

語清流往往禍自取姓名未泐安民碑丹青結構有

深意同人藻鑑遙應知芻秣豆飼信堪羨那免按隊

牽金羈

宛轉曲

就燥者火流濕水同氣相求必其理郭隗重燕樂毅  
來無知升朝曲逆偕傷胎毀卵鳳不儀北寺幾見慈  
烏棲仲尼迴車戮鳴犢袁閔佯狂李杜覆一堂兩琴

宮商應薰猶臭味各本性咸博結綬蕭男登牛李何  
怪互炭水其實難副息盛名操戈同室非人情顧厨  
清流禍自取程蘇何事相爾汝

十六應真歌題唐人畫

湯湯渤澥雲天寥古先生此爲遊遨龍伯海若夷兒  
曹執圭鞠脰紛趨朝天吳前導懸旌飄持杖荷拂邊  
辭勞入水不溺跡坐牢髡帑蟬族承裾條連行據背  
騎文鯨俯視直徹萬丈濤有魚小首不目逃卓立背

者笠椽毛渡杯偶後曲錄腰笑謂前我詎我驕之而  
頰頰騰長蛟指揮如意無鞭敲和南磬折心枯焦袈  
袈風拂披七條一蠅昂首悲且翹何不可度以手招  
倚柏一晌聊逍遙翻却公案誰訾警眉毛拖地光白  
毫青童後隨牟彭喬伯呼仲諾比漆膠神龜在手非  
卜繇僂僕杖錫蒼崖坳持菓相饋來猿猱肩隨蹠步  
意陶陶吾宗機示成神交大胸出目竊兮樊徐行驅  
走如羊羔念珠百八三藏包忘言縱目窮青霄繪事

妙詣真神超楞伽貫休名未標飛白得之子雲蕭以  
書通畫妙義苞金剛四句偈不設彌勒樓閣珠林高

轉復詞

似與而取垂竿絲淮陰背水勝趙師似明而暗問羊  
計鉤距摘伏奸愈熾似貶而褒詼諧談歸遺細君仁  
何慙似闇而彰錦尚絢仲長樂志抗箕穎似退而進  
尺護伸巧宦司馬慨安仁似愛而害搖木本豫章范  
甯翻成損似是而非形影間士季四本疑顧歡似真



而偽涇渭濁晉黃曾亦清流託似異而同芝蘭馨韓  
范上殿何妨爭

望大房山作歌

太行連延西南來千支萬派紛紆迴房山於此獨稱  
峻拔地秀擁金堂開盧水帶左拒馬右伏流不敢爭  
谿走我從長途直北望龍葱佳氣干牛斗梵宮琳宇  
棲窾寄辟邪瓦埋行殿基春風萬樹花張錦憶昔金  
源全盛時半壁江山蹟始發海陵遷建實唐突至今

修葺贖二陵其餘荒草尋飄忽行將酹酒臨寢園昭  
德懷古予心存

聖人穹碑揭日月拱讀義盡休重論

打鴨行

涿州城北春水生涿州城南野鴨鳴鳴鴨集水人打  
鴨我亦因爲打鴨行打鴨非繳亦非羅臂鞬鴨鶻沿  
溪河放鶻旋空鴨避匿長竿毆出蘆叢多鷺鳥下擊  
纔一瞥水禽落魄腦筋裂爛湘細膾固暢意腥風泣

釜何由說我欲試觀淀池澳虞人致詞頗中

去聲竅打

鴨於河不於淀汪洋竿擊殊難到詭辨善避姑漫論  
尋思究亦弗觀妙鶻乎鶻乎爾胡不爲牛不解捕鹿  
爲珍羞秃蹄穿領服田疇以生百穀無疆休

豐臺行

海子西紅門門外爲豐臺溪村流水曲抱隈引水種  
樹村民皆皇州百藝無不有豐臺花圃風流藪南梅  
北杏溫建蘭綠色牡丹大於斗牡丹花玉芍藥婢好

惡異宜時尚爾豐臺芍藥勝牡丹花時狂走都人士

北門學士愛看花吳中瘦沈張南華

二人皆有  
豐臺詩

當年

側帽遊日下綺詞麗句爭芳葩清時韻事不可無曲

江倡和詩酒徒番風花信自依舊過者來者爲誰乎

彈鞭蹀馬春之半萸萸纔舍未爛漫亦不謬稱敦樸

禁養花亦不逞欲珍竒誇錦燦由來萬事隨民便

皇清文頴續編卷首二十二

高宗純皇帝聖製詩

七言古詩

帝都篇

有序

帝都者唐虞以前都有地而名不著夏商以後始各有所稱如夏邑周京之類是也王畿乃四方之本居重馭輕當以形勢爲要則伊古以來建都之地無如今之燕京矣然在德不在險則

又鞏金甌之要道也故序大凡於篇

天下宜帝都者四其餘偏隘無足稱軒轅以前率荒  
畧至今涿鹿傳遺城豐鎬頗得據扼勢不均方貢洛  
乃營天中八達非四塞建康一壑何堪憑惟此冀方  
曰天府唐虞建極信可徵右擁太行左滄海南襟河  
濟北居庸叶會通帶內遼海外雲帆可轉東吳杭幅  
員本朝大無外不基式廓連兩京我有嘉賓歲來集  
無煩控御聯歡情金湯百一要在德兢兢永勗其欽

承

皇都篇

有亭

皇都者據今都會而爲言約形勢則若彼詳沿革則若此蓋不如研京十年練都一紀鴻篇巨作纂組雕龍若夫文皇傳十首之吟賓王搆一篇之藻節之中和固所景仰歸於睽遇亦用興懷俊逸清新古人蔑以加矣還淳返樸斯篇三致意焉

惟彼陶唐此冀方上應帝車曰開陽軒轅臺榭雖莫

詳職方有幽無徐梁要之幅員長且廣叶山河襟帶

具大綱列國據此土馬強可以雄視諸南邦遼金以

來始稱京叶閱今千年幾天閭地靈信比長安長玉

帛奔走來梯航儲胥紅朽餘太倉天衢十二九軌容

叶八旗居處按界疆朱樓甲第多侯王槐市陸海無

不藏富乎盛矣日中央是予所懼心徬徨

恭依



皇祖溫泉行元韻

小春風日溫而清  
離宮駐蹕逸趣生  
沙汀石瀨率含  
凍喧波激響偏  
琤琤嵩山仙池杳  
莫辨建武別館徒  
相爭

當年卷阿可仰躅  
至今

聖藻星雲明方沼  
甃玉左復右靈脈噴珠澄且泓  
曲溝引導達戶戶中各向暖  
當南榮細流龍首初滴注  
有如瑞露浮金莖  
澹然忽放屋池滿  
氤氳澹蕩難爲

名濟涼酌暖擬紫府蒸霞吐霧疑赤城水仙騎鯉在  
白壁呼之舉手欣相迎蠲疴益壽有奇助何必縹緲  
求壺瀛承

歡家法同孝養神仙此耳無侈情釋思

來歌續元韻幸當海宇方承平耽逸忘武風所戒塞  
山回望雲中橫留連勝處亦曷可明當啟蹕旋皇京  
新豐繡嶺是炯鑒毋容易視溫泉行

山城夏霽歌題錢維城畫

赤夏賴雨亦賴晴潤之暄之禾怒生老農較量誠不  
易幾冬辛苦方西成是時山莊駐翠旌甘霖早澍游  
渠盈解作旣息暑亦滌鵲呼正報開初晴片雲歸岫  
弱無力涼風吹樹壯有聲黍高粱下盡滋渥油油葉  
嫩炎曦明延樓埤垵日綺望登臨縱目堪怡情餘事  
萬概都恰當一喜所遇皆欣迎層峯沓障濯新翠煙  
阮石谷淙繁鳴深林露墜茅屋濕野水漲到扁舟輕  
何來塞景肖江國謝公佳句真豪清侍臣扈蹕圖所

見宛然夏霽呈山城高張白壁拂爽氣巖間輝映新  
陽晶

瓊瓏峯有序

過中關行宮迤東十餘里有峯拔地嶻嶭翠嶺  
望若翠屏嵌空虛洞似仙人之所棲止名之曰  
瓊瓏而係以詩

朝催行騎緣谷東  
新程逐處咨民風  
沿岡度澗凡幾  
重路右遙見凌霄峯  
巍乎氣象迥不同  
羣山拱伏孰

與京叶倚天拔地超哉雄嵌空洞穴宛轉通崔嵬

薛森龍葱奇葩真樹那可名叶幻以雲氣鬱豐隆石

戶儼開守玉童丹竈碧火其燄紅垂垂鐵鎖懸長空

凡骨悵望難尋蹤在昔下風訪崆峒塞垣荒畧傳何

從欣茲始遇名靈瓏飛來奚事艷吳中至今吟咏紛

莫窮

題大寧塔

魯恭宮殿頽無存惟餘窳堵巍平原寂寥此日真淨

業莊嚴異代徒祇園傑構歲久具靈異不雲常霖氣  
氤氣自遠早見鬱岌岌逼近欲瞻翻不易此中妙諦  
吾已知恰似法華開塔時因緣時節苟未至當面錯  
過空齋咨頌爽朗徹陰翳消珠幢湧地影蕩搖八方  
薄伽梵齊現一路涅槃門豈遙瓴甃枝撐邈難陟摩  
空鸛鶴搏其翼當時挈眷盡歸南萬古標宗恒鎮北  
六和浮玉向曾登仰矚空懷最上層觸緒題詞詎可  
置遇境忘言實未能大千乾闥何春秋碧眼僧過有

偻留牛羊下麋鹿遊那似慈恩杜甫愁金風策馬遵

前郵

板升 有序

蒙古語音以氊廬爲格爾以土瓦屋爲拜牲板  
升者蓋拜牲之訛也氊廬其舊俗而土瓦屋則  
近代始有之內地流民至此率仍屋處明季因  
以是爲苦蓋視板升儼如畏甌脫矣

韋韞毳幕禦風雨那識上棟及下宇天津啼鳥風自

南荒畧漸開知室處遠漠仍少近塞冬居然村落連  
岡阿肉食酪漿易舊俗刀耕火種期嘉禾貧民無業  
利遷徙山田易藝資生理苟勤畊鑿戒潢池到處孰  
非吾赤子遐想明季非承平畏胡不已畏板升帑餉  
未逮持戟士邊將邀功猶請兵邱富趙全資敵用烽  
火連營蹙提封惟因日引以月長安在馭輕而居重  
板升今日猶昔年阡陌滋闢皆良田諸部左右屬橐  
鞬黎民瞻就蹕路邊詰戎咨穡愷澤宣慎茲大寶萬



葉傳

魚石屏歌

有序

向見西陽雜俎載衡陽湘鄉縣有石魚山山石  
色黑理若生雌黃開發一重輒有魚形鱗鬣首  
尾若畫長數寸燒之作魚腥又重慶江心有雙  
魚刻石上每一魚三十六鱗見則歲豐云云夫  
石上刻魚世或恒見至開石自具魚形則非人  
力所能爲疑爲烏有誕論而已今過土默忒部

落路南有所謂撒哈河灘者土人種田掘地得石剖之有魚形復剖之則復見大寸許小數分計銜尾比目若游泳然乃知古人所載必有其徵誕在此實卽在此製以爲屏不異王振鵬魚藻圖也

造物有無宗元疑石中魚形誰所爲雕琢不到繪難揮又匪其中置鯢鮪擘開紋理紛鏤奇髻甲刻畫噉喙姿永免麗留及粘撒漫慮漑釜膾銀絲琴高仙駕

或其遺不然善眩如條枝殖瓜種樹幻術施冠冕秋  
化石不移元王沉璧洛水涯化玉未聞仍孕其湘鄉  
奇蹤向謂虛叶事必有偶今始知詭談詫蹟序若斯  
折中理氣繫予思是地昔必潦水滋水退魚存僵淤  
泥歲久土變石理宜試看易剖片片披宛然藻潛還  
浪吹萬形得所壽可期磨而不磷涅不淄製屏堪陳  
筍席垂兆維豐年念在茲

松花江放船恭依

皇祖詩韻

隆崇

長白佑維清松花江源山頂生飛流銀河練影明縈  
迴千里竹箭輕望

祭申悃和鸞鳴臨江遂命青雀橫水天上下秋光晶  
馮夷靜恬濤不驚擊汰直達吉林城滄浪之水義最  
精俯看直欲濯我纓詎必昆明習戰兵隆崇

長白佑維清繼繩

祖烈希景行從流寧爲

去聲

欣滄泓

松花江捕魚

松江網魚亦可觀潭清潦盡澄秋煙虞人技癢欲効  
惘我亦因之一放船施罟濺濺旋近岸清波可數鱗  
鱸鯉就中鱠鯉稱最大度以尋丈長髻軒波裏頽如  
玉山倒擲又百中誠何難鈎牽繩曳乃就陸椎牛十  
五一當焉舉網邪許集衆力銀刀雪戟飛續繙計功  
受賜卽命罷方慮當秋江水寒

採珠行

圓流育蚌清且淪元珠素出東海濱旗丁泗採世其  
業授餐支餉居虞村我來各欲獻其技水寒凍肌非  
所論賜酒向火令一試精神踴躍超常倫秋江川媚  
澄見底方諸月映光生新威呼盪槳向深處長繩投  
石牽船脣入水取蚌載以至剖劃片片光如銀三色  
七采亦時有百難獲一稱奇珍命罷旋教行賞賚不  
覽安識真艱辛世僕執役非罅戶元稹何關譬海神

窩集行

履山念無海泛水忘有陸今茲識窩集萬彙惟一木  
江南塞北攬槩頗豈無林箐皆子孫東方甲乙稟靈  
秀固應富有植類羣始從此厖入麓口漸進蕭森失  
見後祇容線隙露天光馬弗敢旁遵路走不能婁舉  
丹黃青亦有翻書莫辨名爾雅所紀限方域安能到  
此杞未徵叅天蔽矚絕飛鳥其下菁英茁仙草落葉  
布地似黃金疑是長者來問道華嚴海會諸佛處一

菩薩一菩提樹心花顯映冬吉祥世塵遠隔如雲霧  
宇宙以承便有此大椿扶桑非其比定應默煩靈祇  
呵不知遮閱人代幾陰晴變幻光怪奇谷神出巧能  
爾爲畫師未可形容擬大匠詎敢斤斧斯初經奧壤  
心神清色惟真色聲真聲欲笑嵇含花木疏點筆聊  
爲窩集行

進英莪門

重關申畫郊圻分



煌煌祖制千秋遵

康熙年間始建柳條邊西自山海關東屬海又一自鐵嶺而分北東

繞吉林過虞村而止是爲外障其內則圍場地

圍隄背指行厯盡舉頭喜見

英莪門結繩列柵金城固休養善守

深意存入關樹葉尚餘綠靈占地氣

心通神築場納稼率已畢連村額慶多高困猶道今

秋纔半熟不知苗碩農情真我進英莪凡兩度

興京近矣懷生欣

橋山指日此敬謁周甲思慕焉能申

恭瞻

啟運山作歌

長白龍幹西南來靈山

啟運神堂開源遠流長綿奕世駢蕃視社皇圖培

肇祖衣冠秘陵室

三祖元宮千載謚仇成不共何忍言七恨興師此第

一我

景祖

顯祖陷明氏之計致不諱是

太祖興師討明以此爲七大恨之首

爰

始爰謀緬

賈父

橋山景佑猶故土昌平樵採禁至今朝家厚德昭千

古

唐花謠

聞道恒春乃洞天四時花發誰使然女夷已假花師  
柄花師得竊女夷權女夷過非花師過柔紅嫩紫紛  
無那廿四風番信全爽十二月令名虛播冬葩夏藹  
無一不有速成還恐遭先朽黃山松樹笑蒼顏共渠且



先朝恩

事在雍正十一年

薩拉爾來述其事云卽彼中勇絕

倫持銃迎面未及發直進手奪無逡巡召見賜銀擢侍衛卽命先驅清漠塵我師直入定伊犁達瓦齊聚近萬軍鼓其螳臂欲借一依山據淖爲營屯我兩將

軍

阿睦爾撒納薩拉爾

重諮議以此衆戰玉石焚廟謨本欲安

絕域撻伐毋乃違皇仁健卒掄選二十二日阿玉錫統其羣曰巴圖濟爾噶爾及察哈什副以進

叶阿玉

錫喜曰固當

去聲

廿五人氣摩青旻銜枚夜襲覘賊向

如萬祖父臨兒孫大聲策馬入敵壘厥角披靡相矚  
奔降者六千五百騎阿玉錫手大纛舉達瓦齊攜近  
千騎馳走喙息嗟難存荆軻孟賁一夫勇徒以藉甚  
人稱論神勇有如阿玉錫知方亦復知報恩今我作  
歌壯生色千秋以後斯人聞

射虎行

虞人來報虎負嵎羽林親率往斃諸度岡絕壑不數  
里榛叢早見藏於菟銛鎗如雪周遭布眈眈有猛無

逃處忽然挺走衆辟易欲往前山據深樹安吉驄如  
闕虎驢籜雲一策飛鳥愁追奔肯使牛哀逸夏服在  
右烏號柔馥然中要只一矢炳文高架駝峯紫厄魯  
辭舌頌威稜

是日新附諸厄  
魯特台吉適至

笑謂今朝偶然耳

### 少岱

少岱泰岱之右臂起伏蜿蜒數百里以少於岱因得  
名元方季方兄弟比平原曠望行半月罨目眞教見  
山喜尋脈東瞻乃不窮堂堂霍霍依稀是或爲乾闥

或坤闔半倚天邊半雲裏膚寸因之希崇朝處處祈  
年心未已

舒布圖鎧巴圖魯奇徹布歌

千人萬人敵昔有亦惟能將資衆力一人奮勇敵二  
千昔未前聞今始出其人曰惟奇徹布向爲侍衛備  
宿直叶去歲從軍監包沁包沁之人乃通賊來圍其  
帳欲肆害奇徹布曾無懼色徐腰橐韃手弓箭出帳  
跨馬聲霹靂蟻聚叫謹羣近前應絃馥倒賊辟易辟



易復前恃其衆長槍火銃競相逼奇徹布且戰且走  
得一柳林爲障翼賊人圍之凡數重恐自傷無施銃  
隙持槍人亦弗敢進進被箭死屍橫骸二千人各二  
千心一人氣奪二千魄侵尋天暮衆西奔奇徹布歸  
奏殊績賜金賜爵酬勤勞復請從師肯宴息舒布圖  
鎧巴圖魯神勇之名汝應得荆軻孟賁匹夫豪日月  
燭火光應熄我歌嘉爾豈徒然勗我八旗永爲式

三巴圖魯歌

巴圖魯者勇冠軍昔我旗人頗恒有近世以來殊不  
聞蓋因太平日已久歲寒松柏見後凋當春何以殊  
榆柳邇者西鄙屬用軍折衝咸欲効奔走舒布圖鎧  
已超羣三巴圖魯亦赳赳其一額納伸去歲伊犁從  
將軍將軍使彼詢事因單騎逕入衆賊羣左支右屈  
箭斃數人知事不濟拔刀自刎期報君其一巴寧阿  
讀作倉卒亂時將軍前後護衛相蔽遮發無不中中  
麻韻無不死殺人如麻將軍遣之出巴寧阿曰朝廷命官

偷生安往耶力敵視將軍盡節然後伏劍義烈真堪  
嘉二人既死還復甦宰桑巴礫得之壯其志養之數  
月我師再入方得歸軍牙其一曰富錫爾將軍命之  
攜印以出歸帝里其奈賊人擁蜂更屯蟻料不能出  
將印沉之水力戰受創命垂盡伊犁喇嘛救之得不  
死故賜額納伸曰卓禮克圖巴圖魯卓禮克圖者節  
義卓爾永不渝賜巴寧阿曰昆都爾巴圖魯昆都爾  
者力敵萬人暇有餘賜富錫爾曰哈布台巴圖魯哈

布台者穿楊貫石技不殊迴思去歲迅功成亡矢遺  
鏃夫何曾不期小醜逆志萌未能除蔓我二卿乃致  
沙場雙捐生亦我坐謀遙未精嘉我旗人多忠誠舊  
風未遠垂儀型愉以爲戚留定評乃至西海揚芳聲

哀伊犁

我哀伊犁之人久迤邐去歲底定將謂自此永息肩  
而胡么麼密計復煽亂伊犁之人亦相附和爲叛奸  
後旋知悔過欲擒賊渠贖罪誠可憐乃以衆志不齊

相觀望逆賊鋌而走險攻中堅十餘鄂拓逡巡各退  
遞反致劫擄父不保子夫不保妻遭流連加以爭相  
奪攘爲矯虔強者食弱壯者食幼互暴殘馬牛羊食  
以盡野無黃獨室無秬疾疫出痘亡者白沙捐伊犁  
河流爲之赤竟有血人於牙以冀旦夕延王師重入  
匍匐歸者軍門環伊犁之人汝莫歎孰令汝二三其  
志自作孽患焚焚泯泯忘大義民無二日汝獨有二  
天於古有云旣來之則安之余亦焉能屏棄旃爲之

禁盜劫爲之勗耕田逆賊旣除自今以後汝得高枕  
眠休養生息延數年或得元氣復以全如此而已寧  
須竭內地力萬里惠窮邊

伊犁喇嘛行

蒙古之教宿尚黃宗喀巴以來三百餘年其流長昔  
顧實汗以此雄據衛藏攝羣部然亦不過假名敬佛  
要乃所以收衆方強吞弱噬互攘竊無不垂涎達賴  
喇嘛貌爲恭謹其實心弗良策妄阿喇布坦創據伊

犁有弗遑然已計入西藏肆披猖逮噶爾丹策凌遂

與黃教名曰安衆生

叶

亦效西域建都綱

都綱者西藏衆喇嘛

聚而誦經之室也

白瓊爲室布爲牆後遂範金作瓦覆棟梁

金仙相好備嚴莊六時梵唄聲無央塔本集賽供餼

糧西勒圖者凡四牀膜拜台吉諸宰桑其善在此其

弊卽爲殃喇嘛達爾濟及達瓦齊相繼篡立無不藉

諸喇嘛之力以肆強逆賊阿睦爾撒納亦結若輩爲

黨以煽亂其窮竄也旋劫奪喇嘛馬駝用致遠去颺

喇嘛散去乃同嗎哈沁安知五戒六度如佛所云皮  
肉骨髓盡捨以救人飢荒是誠楞嚴所謂外道貌佛  
弟子爲講張勿謂佛不慈汝俾汝遭喪亡側身西望  
爰作伊犁喇嘛行

固爾札廟火用唐韓愈陸渾山火和皇甫湜韻  
並效其體

拓土今踰吐谷渾奚論邏迤將河源何來狂童欲竊  
吞再整戎車安輕軒亂之不戢終自燔師壓波羅塔



拉原義所動彼亦履坤諸鄂拓兵無際垠狡計近窺  
喇嘛垣盜駝馬逃藉桑門人思見日汝蔽墩名佛弟  
子心狙猿如魚背龍竊友黿雕不搏鴟乃搏鴟以致  
遊魂遠跳奔衣黃空忝人中尊固爾札本庵羅園天  
人供養莊嚴繁朝螺暮鼓法音喧仲氏吹篴伯氏塤  
刹竿高標金字旛胡僧碧眼脫其禪露兩肩肘及兩  
臂羊鹿牛徒示三轅天龍軍遲屬橐鞬修羅乾闥挾  
雙幡掃其穢跡風以笈火輪轉法蓋脹臙炎官祝融

朱雲屯烈飈出穴口如盆鑱金爛石焦窪罇四大誰

解無生言那伽

此云龍也

不爲吐水翻有其成之毀必反

賓頭盧瞋目雙暖如彼葉落還歸根淨業何有於烏

孫創與黃教駢肩跟假藉敬佛市惠恩亦欲貽法其

曾元二世滅裂不可援狼貪虎攫難盡論汝狡避禍

來謁闔膝前面陳涕漬痕憐汝賚汝安汝魂解衣推

食奚汝寃野心偕德義何存固應天殛絕爾殮洛那

卽古大宛今

吟薩克也

各方非世婚去歲劫畧遭爾昆三窟未

必容爾蹲小大怨汝奚騰騫亦月申酉利復怨銷兵  
魚海靖鯨鯤瓊琳琅玕貢崑崙四西勒圖何督昏助  
逆不當遭劫焚揭和韓韻足解煩泰山北斗一仰捫

花門行

花門雜種其類繁玉關迤西西海連或居城郭或遊  
牧牧滋畜獵城者田其性均能殖貨產剛勇善戰則  
鮮焉部落雖殊形貌似皙面綠瞳赤髮鬖大宛卽今  
哈薩克布魯特近古于闐其他不堪俚指數要視強

弱爲歸叛

叶

準噶爾昔全盛日役使若輩如奴佃令

棄故居來伊犁課其引水種稻秬服勞供賦不敢怠

詎知隱恨已有年逆渠去歲竊據際回人助之藉少

安台吉宰桑心不一逡巡各退遭顛患

叶

而何逆渠

復狠忌謂回人衆其力全不早圖之將受害機事不

密回人先遂攻逆渠渠敗屺回人還向故土遷拆屋

伐樹示不返伊犁荒涼吁可憐地積白骨草木赤腥

風吹野遊狐羆一穴構害貽萬億降殃會見昭昭懸

蕃劍行

蕃劍一泓波溢塘鈿從文起飛寒芒其來伊犁萬里  
外限以大翰天各方語言不通振古異誰歐冶爲去聲

爲魚腸昔策妄阿拉布坦草創絕域誇雄強大小策  
零敦多卜皆其羽翼兄弟行大者善計善將將小者  
勇萬夫莫當矢石雨下自弗著亦不驚避狀若常禡  
木特及撒拉爾自謂弗及言之詳此劍乃彼所佩用  
不離身持短入長强者死絕弱者亂會不歷世羣喪

亡熒熒孤媳挈部落歸命貢此呈天閭暴得暴失何  
足紀聊紀嚮化武庫藏聊紀嚮化武庫藏吾猶慮其  
爲龍飛去水中央

蕃甲行

權輿甲冑作軒轅銅頭鐵額人驚看函人慎術精五  
屬合甲壽至三百年然惟犀兕察革空

上聲 眡裏眡朕

要取堅後世乃有鎖子甲鐵環金練蛇鱗翻我聞其  
名未覩物偃武日人工失傳底定伊犁盡肉袒台吉

宰桑來後先取其重器藏武庫鐵章蕃甲驛致駢當  
時噶爾丹策凌恃遠抗大數入聲邊其人狡譎習攻  
戰頗能憐下人稱賢備器致用懾鄰服哈薩克無能  
爲患以武得之守詎可逆天內潰宗弗延廿一昂吉  
皆入化四圖什墨爲我臣升組鎧鹿皮包弗用或異  
得四白鹿旋

琉璃河

東風解凍春波泱長橋飲練將百丈雁齒枕陸接石

衢中流會無十尺廣徒勞人力此胡爲勝朝遺蹟得  
諮訪叶權璫桑梓乃在茲春秋祭掃常來往有司畏  
勢爲修塗葆蓋穩驅平似掌椽人凶燄一至此朱家  
宗社將奚仗適來固節度鹽溝架木吾猶發官帑守  
閭豈得盡廢斯惕然以懼畢然想

徒駭河

神禹治河乃最神當時猶致人徒駭三千年後智非  
禹問勝此任誰能解徒駭迤北鬲津南其間大都九



河在相去乃至二百里同爲逆河方入海今河不過  
數里餘安得修防不日殆將欲棄地讓之水億萬生  
計嗟死解卽禹治今河應難是吾蒿目所以乃

遊金山寺再疊蘇軾韻

冊府常披輿地圖西極江源東竟海中流銀髮能許  
長民父乃如黍米在獲金名易裴頭陀祇園高下臨  
澄波自茲勝蹟擅吳下騷人禪客遊恒多南國重來  
命巡楫風恬浪靜韶春日佳境畢景不能窮琳宮梵

字層樓赤石簞萬劫埋仙魄

金山前島世傳郭璞墓

髯翁吟際

髯應黑今來古往熾然明不遷者存底用驚福地只  
宜泯六識山色江聲定何物印公留帶可鎮山當時  
公案足警頑蘇公不言言未已試看袞袞東流水

自金山放船至焦山再疊蘇軾韻

江赴海意虎視眈自來天塹限北南湔氏遙源達溟  
渤至此餘十之二三方壺員嶠誰則到徒稱火棗將  
冰蠶咫尺仙山一帆力不遊可懷日後慙石簞峭拔

潮影退俯欄可以窺深潭便命黃頭髮青雀江天春  
物方清酣忽懷玉局曾遊目中江長老談鄉談  
見東坡詩  
豪吟靜悟兩寥寂祇饒松竹籠虛龕山蔬可以爲清  
供豈必燒豬方覺甘紙帳困眠明便去金山留帶還  
嫌貪片時攬勝兼望古幽情暢矣歸云堪剪波頃刻  
濟北固巖端更問蕭公庵

題林逋詩帖真蹟用卷中蘇軾書和靖林處士

詩後韻

好春重至西湖曲不愛山青與水綠所愛別館近林  
家步步遠塵樹樹玉設云處士今在否我知斯人未  
免俗新得先生遺墨妙日觀不厭繼以燭五詩神合  
暗香句清峭雄渾無不足宜令東坡拜下風健筆藏  
筋詎豐肉馬遷死後良史無峯色湖光皆寶錄卽景  
合璧詠雙絕和吟豈謝巴人曲兩賢同得社而祭往  
往叢祠倚松竹所惜潛亦箇中人遙遙祇享柴桑菊

觀採茶作歌

三月初  
二日

前日採茶我不喜，率緣供覽官經理。今日採茶我愛  
觀，吳民生計勤。自然雲棲取近坂，山路都非吏備清。  
蹕處無事迴避出，採茶相將男婦實勞劬。叶嫩莢新  
芽細撥挑，趁忙穀雨臨。明朝雨前價貴，雨後賤民艱。  
觸目陳鳴鑣，由來貴誠不貴偽。嗟哉老幼赴時意，弊  
衣糲食曾不敷。龍團鳳餅真無味。

觀江湖作歌

樓名望潮江岸傍，旣到弗登有底忙。登矣不俟潮一

望殺風景事誠何當哉生魄爲潮盛候因緣恰值聊  
相伴是日未刻潮應至歷申那見濤乘江駕山張蓋  
徒想像詩消黥退真荒唐江山小船迎潮慣解嘲畧  
仿羯鼓腔金支翠旗光錯落縱金擊革聲鏗鏜俄頃  
江面潮亦至恬風輯浪非礪礪惟覺兩岸隱增溜賈  
舶好趁輕帆揚陽侯靜歛滄波細一霎依舊天水蒼  
昔聞庖沓戰藉藉欺人慣是文人長或云乘輿百靈  
護伍胥文種心早降或云江走中壘後潮汐非比曩

時強其然豈然付一笑漲沙惟喜資耕桑

泛舟後湖攬古

太平門外蔣陵湖春波演漾含新蒲鳴榔煙水入深  
處濯清因以爲清娛憶昔繁華樂遊苑穿池肄武陳  
舳艫熙寧洩水號濟困實與青苗意不殊勝朝乃復  
事開濬洲上置庫藏輿圖卽今陂沼靜無事魚蝦者  
往同民俱輕舟自謂忘機矣何乃紛飛鷗與鳧

秦淮歌

祖龍東巡歷王氣通淮鑿斷方山埭凝心慮後五百  
年詎知亡秦在二世長源因此名秦淮縈紆建業達  
江隈時寒時疏異沿革秣陵終免淮爲災六朝往事  
難尋跡王謝燕飛誰氏宅風流江令倦遊歸惟見秦  
淮依舊碧楊吳竊據築金陵清波溶溶乃貫城十六  
紅橋夾兩岸蜀嬌越豔揚新聲千金買笑輕一擲纏  
頭錦是寒女織會稱盒子鬪新奇薛鴨袁羊俞珍食  
而今功令禁俳倡歌樓舞館都荒涼煙花麗景縱遜



昔瘴邪敦樸誠良方

石城歌

依巖捍江據地利建置緬懷吳大帝舟師風利不得  
停一片降帆遂由出宋吞齊并相割爭石城幾闕凡  
與荆袁粲雖死固未死褚淵儼生何謂生省方偶此  
經層巘百雉埤堦猶完善孝陵締構想當年金川門  
開警轉眼風雨中晦明宛右顧興悲應不免吁嗟德  
險守鑒茲及其守茲則已晚

欽差工部侍郎夢麟總河白鍾山等奏報荆山

橋疏浚工成命議敘董事諸臣詩以紀事

去年秋溢孫家集大事菱捷塞決口餘波泥濘荆山  
橋微湖路塞水不受連延數郡被災沴未涸春田農  
束手加賑聊以救目前善策亟爲籌其後冬官之亞

適隨鑾相度疏排汝其懋

叶

南北河臣

江南總河白鍾山河東總

河張師載

胥本責毋分疆界連臂肘集役備物發帑償守

土臣職晉也就

叶安徽巡撫高晉

同心合力勉宣防豈在清

塵供奔走淪瀆兩月工始成荆山水洩四臣奏叶二  
麥雖已失餅餌大田庶可播畝畝酬勞獎績爾則應  
消患致和吾益忸

彭城河復

蘇公河復昔非復彭城河復今仍河仍河何以謂之  
復解嘲聊爾爲斯歌漢唐以來通鉅野燒草不屬無  
如何侵淫呂沛漸多事川狹濤怒騰盤渦然惟宜合  
不宜散合資刷沙離滄波斯流雖古有成語徒見其

害利則那去歲奪溜孫家集中泓力緩沙淤多隄旁  
水誌度分寸泥停五尺高益加挑汎湯湯已拍岸伏  
秋轉眼難延俄用是切切愁弗置紆程歷覽親研摩  
下策仍惟事修築易石鞏固周遮羅水工喜稱漸復  
舊數日頓爾形遷訛三尺沙刷餘二尺詩在敢飾虛  
言訖此亦偶然慢過頌靈寶昭矣感不磨

再題黃樓用蘇軾韻

黃樓登不可無說更讀蘇詩引興發上惟青天張幕

圓下有洪川流笏滑脫胎高坐兩賢人便欲拾級嫌  
塵鞮遐想九日勝賓筵痛飲豪歌鸚鵡呷亦未因樂  
忘憂民隄築王尊督畚鍤我來黃水雖刷沙災後饑  
民景憐煞北瞻豐沛開霸圖南望雲龍羅梵刹城頭  
曾不掉泥侵河中亦有鳴榔軋卽景都弗減愁懷解  
嘲險韻聊吟壓泗水無從覓津滴楚山依舊圍巖巖  
嗟我羣黎乏衣食那有千村畜雞鳴違議紆程切恫  
瘝詎同攬結尋茗雪

荆山橋歌

石橋三里許以長如虹蜿蜒飲兩塘南北咽喉形勝  
控春秋節宣計畫良東接睢邳耕桑野西連豐沛王  
霸鄉我曾坐照資利涉發帑修築乃如常徐州省方  
今迴蹕路便因度斯興梁去歲孫工河奪溜聞道經  
此東歸洋一百餘孔不足洩其時水過橋面強水過  
沙停半淤澱微山遂壅趨壑方疇咨督課速疏浚卽  
今尾閭纔通航吁嗟民艱觸目是善後之策猶茫茫

急雨

六月二十八日

焚暑逼日騰炎威晚田望澤枯欲萎前此時若恐虛  
擲我心憂怒如調飢密雲佈宇只頃刻良風坎雨相  
招攜金官白帝施號令素輿玉馬珠旛旗玉女投壺  
天帝笑鞭馳列缺豐隆隨前日火流疑未盡一時湔  
濯驅無遺泉弱湖消池待竭須臾漲影將平隄水亭  
空濛眇煙景生寒忽欲添紗衣利農蠲疾人心悅吾  
亦因悅非虛詞軍書適報有佳信佇待獲醜班貞師

雪獵

一夜朔風吹凍雲高峯低谷皆皴玉雖寒不濕可三  
驅連網周陸謝千軸供役左賢還右賢是皆慣馬且  
耐寒習勞示矩可辭冷我亦因之試玉韉六翼時止  
復時灑磬控疑驟藍田野丹黃青綠續銀陵塞景清  
都入吟寫麗龜釋弮真快哉紫狐輕點祥花皚陡憶  
伊犁大於掌官軍尚待歌歸來

玉盤謠



玉盤博徑得二尺圍六尺有

去聲

五寸益虛中盛水受

一石素質不雕其色碧旁達孚尹瓊華澤葆光撫不  
留手跡羣玉之精出昆崙吉日甲子天子寶于西王  
母瑤池津行觴介紹簠簋罇爾時所御器今存作鎮  
西極永好完未八震旦三千年問今何來不脛偶準  
鳴爾亡淪世守阿睦撒納茲竊取王師架入靖孽醜  
於將獲之聯猿走棄其重器爲我有元英大呂陳座  
右咄哉玉盤徒華滋不可食兮不可衣連城價詎如

窮奇倖被禍除可罷師前歌後舞樂雍熙瓌玩吾將  
安用之擬付鄴人一例椎

詠側理紙

海苔爲紙傳拾遺徒聞厥名未見之何來映座光配  
藜不脛而走繫予思匄圖無縫若天衣縱橫細緯織  
網絲卽側理耶猶然疑張筆李墨試淬妃義獻父子  
書始宜不然材可茂先追何有我哉宛撫茲萬番毋  
乃倭記私兩幅已足珍瓌奇藏一書一聊紀辭清風

穆如對古時澄心金粟父視兒寄情枕薜宜諭糜博  
覽缺詠又何其宣毫涕几爲摘詞彷彿尚卿首肯斯